

海隅閒墨

張坦

旅台唱和集(八二)

△述 懷

頗似蜻蜓點碧波，浮生一擲疾如梭！
洪楊會左俱無謂，(借句)富貴榮華未足多！
儘有室家空色相，剩些氣力念爾陀，
殘年不再留痕迹，笑看斜陽頃刻過！

林鵬霄

△海濤兄寄示鵬老「述懷」一律

官海浮沉恥逐波，匆匆歲月去如梭！
千言下筆休嫌少，萬卷藏書不算多；
討虜王師擒頽利，亂華胡族有沙陀，
堪嗟世變同棋局，勝敗存亡轉瞬過！

張坦

△海濤兄錄示林鵬霄先生述懷

一律次韻郵政
樹影搖風映碧波，尋花浪蝶似穿梭，
水村山郭塵寰絕，瓜果豆棚野趣多！
不合時宜惟墨士，會語世味是頭陀，
人生七十猶俄頃，駒隙流光瞥眼過！

葉在銓

△次韻乃偉兄乙巳上元夜二首 陳海濤

鄉夢初迴夜已殘，連宵風雨不勝寒！
上元無月君休恨，怕惹離人淚眼看！
到處笙歌不夜城，眼看春色倍分明！
故園風景今何似？他日還鄉話太平。

陳海濤

△感事四首

葉在銓

過江南渡鯽何多？得水遊鱗逐逝波，
樂且渾忘歸路渺，盡將幽怨付漁歌。
樊身且看撲燈蛾，驅雀何須布網羅；
可是降魔猶有待，十年薪膽誤蹉跎！
眼看玉管動葭灰，春到人間又一回，
只恐好春來便去，還鄉作伴倩誰陪？
憶昔空羣事已非，而今伏櫪誤雄飛，
勸君切莫傷遲暮，開始人生自古稀。

△即次乃偉兄感事原韻奉和四首

五十年來亂日多，於今避地感滄波！
天涯海角行蹤遍，苛待收京唱凱歌。

張坦

△次詔鵬老述懷

陳海濤

風來水上漾微波，綠柳垂堤鶯織梭，
落拓天涯知己少，流亡海外故人多；
襟懷曠似雲中鶴，世道難如巖畔陀，
靜坐蕭齋新雨後，樹搖餘滴夕陽過。
鵬老瀟灑風趣，詩如其人，前詩似嫌頹唐，
但原稿自註：「我年少所作文字，同輩認為
可觀，惟多恐其短命，現殘年已七七，不妨
舊調重彈也，哈哈」。

海濤附識

△乙巳上元夜二首

葉在銓

今宵待月漏將殘，不見嬋娟出廣寒，
只恐燈光污皎潔，深藏未許供人看！
滿街金鼓鬧春城，火樹見花照眼明，
樂事賞心人盡醉，欣看歌舞慶昇平！

迎人笑靨畫雙蛾，體態輕盈着綺羅，
莫戀溫柔銷壯志，空令歲月任蹉跎！

共復中原志未灰，新亭酒淚幾多回！
遙憐規後民生苦，憔悴伶仃孰與陪？

聞道故鄉景物非，思歸夜夜夢魂飛！
音書欲寄無由達，望斷雲天鴻雁稀！

△次韻乃偉兄感事四首

陳海濤

春來海嶠雨風多，綠水參差起嫩波，
難得故人時過訪，便談對酒且高歌。
自縛堪欽作繭蛾，犧牲小我織絲羅，
祇知造盡人間燬，不問前蹤與後跎。
莫因挫折輒心灰，機運循環去復回，
否極泰來堅信念，還鄉有日喜相陪！
雲烟過眼境全非，小立中庭看鳥飛，
且喜唱酬多故舊，客邊勿謂知音稀。
(未完待續)